

سنه لکی در سعادت ایچون مجیدیه  
یکرمی غروش حسابیله التمش  
غروشدر

طشره ایچون پوسته اجرتی اوله رق  
اون بش غروش ضم اولنور

نسخه سی ۴۰ پاره در

# تَبْلِیغَات

آبونه اولق ایستینلر دائره عدلیه ده  
اداره مخصوصه سنه مراجعت  
ایتملدر

اعلانک بهرندن بر مجیدیه اخذ  
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

## تَبْلِیغَات

عدلیه نظارت مجید سنه عدلیه مضامین محاکم  
استینافیه مدعی عمومیه نسطیر قلمانه تحریرات عمومیه  
صورته در:

محاکدن پوسته به تودیع اولنان احضار نامه و پرو-  
تستو و سکوسترو کی اوراق ایچون دواثر عدلیه به  
تعرفه مخصوصه به استناداً خرج استیفا اولندی  
جهتله پوسته اجرتنک دخی اصحاب مصالح طرفدن  
تسویه اولنقی واشبو اوراقک پوسته خانه لرحه اوراق  
سائره رسمیه دن تقریبی قابل اوله بیلیمک ایچون  
مظروفاً کوندرلیمکه ایسه ظرفی اوزرینه و آجیقندن  
تسلیم ایدلمکده ایسه ورقه سی ظهرینه و اجرتی صاحبی  
طرفدن ویریه جکدر، جمله سنک تحریر و فقط بونلرک  
ارسال اولنه حق تبلیغ علم و خبرلری اجرتلری دخی  
موردلرنجه آلتقی لازم کله جکندن بومقوله اوراقدن  
تعهدلی اجرت آلتسی خصوصنک تصریح ایدلمی  
لزومی ۶ شوال سنه ۱۳۱۹ و ۳ کانون ثانی سنه ۱۳۱۷  
تاریخنده تا کیداً تعمیم اولنمش ایدی بوکره برنجی  
محکمه تجارت ریاستندن ویریلن مذکرده طشره دن  
محکمه نامه ورود ایدن محررات ایچون پوسته خانه دن  
ایکیشر غروش طلب ایدیلوب بواره ویرلمکجه محررات  
مذکوره نک تسلیم اولنما مقده و بوراجه اجورات  
مذکوره بی تسویه ایدمک کیمسه بولنمادیغندن اوراق  
مذکوره پوسته خانه ده قاهره مصالح واقعه تأخراته  
اوغرامقده اولدینی افاده قلمش و دعاوی جزاییه دن  
طولانی بعض اجانب نامه تنظیم ایدیلان جلب نامه لرك  
لفیله قیچلاریله کوندرلیمک اوزره پوسته خانه به  
ویرلمکده اولان محررات رسمیه دن اجرت طلب  
ایدلمکده اولدینی حقنده کی اشعاره جواباً پوسته  
وتلغراف نظارت بهیه سندن وارد اولان تذکرده  
دخی پوسته نظامنامه سی حکمنجه بلا اجرت نقلی  
مجاز اولان محررات دواثر و مأمورین رسمیه حکومت  
بینده تعاطی اولنان و امور دولته متعلق بولنان  
اوراقدن عبارت و موضوع بحث اولان محرراتک

دخی حقوق عمومیه عائد اولمسيله بلا اجرت نقلی  
مقتضی اولوب فقط بونلرک حقوق شخصییه متدائر  
اولاندردن تقریبیه پوسته وارداتنک خللدن مصونیتنه  
متعلق تدابیرک لزوم اتخاذه دخی بدیهی بولندیغنه  
مبنی محاکم طرفندن پوسته خانه لرحه تودیع ایدیلیمک  
محرراتک انواعنه کوره ظرفلرینک کوشه سنه و مهر  
رسمینک زیرینه و حقوق شخصییه متعلق و پوسته  
اجرتنه تابعدر، و حقوق عمومیه به متدائر و یا امور  
اداره به متعلقدر، دیواشارت ایدلمسینک اصول اتخاذه  
مناسب اوله جنی ازار ایدلمش اولوب روش حاله نظراً  
اشبو اجرت مسئله سنک محللرنجه تبلیغات واقعه دائره-  
سنده حسن جریانجه مبالا تسزلی و قوعه کتورلمکده  
وبعض طرفلرحه خلاف اشعار اوله رق محررات  
ظرفلرینه [اجرتی محلنده تسویه اولنه جقدر] اشارتی  
وضع ایدلمکده اولدینی اکلاشلدیغندن بوباید نظارتک  
تبلیغات سابقه سيله نظارت مشار الیهانک صورت  
اشعار و وجهه لزومی درجه ده صرف دقت ایله  
ایفای معامله ایتدیرلمی ضمنتده لازم کلنلره تکرار  
اخطارات مقتضیه ایفا اولنقی اوزره اشبو تحریراتک  
نسخه مطبوعه کافیه سنک لفاً ارسال اولندی بیانیله  
شقه ترقیم قلندی.

## محاکمات و مقدمات

حمیدیه قضاسنک دباغلر قریه سندن قدامش اوغلی  
خلیلک کیفیت قتلندن دولایی جنایتله اتهام اولنان  
مقتول مرقومک اوغلی حسنک اون بش سنه مدته  
کورکه قونلشنه دائر بولی سنجانی بدایت محکمه سی  
جزا دائره سندن ویریلان ۳۵۹ نومرولی اعلام  
اطنه نک بکجه لی قریه سندن موسانک انانی  
راهدده اوکنه چیقه رق جبر و شدت استعمالیه برچوال  
دقیقی اخذ و غصب ایدلکری ادعا اولنمسنک دولایی  
جنایتله اتهام اولنان احمد بن ناکی و بکجه فراج بن  
مستان و مصرلی اوغلی احمدک اوچر سنه مدتلره

کورکه قونلرینه دائر اطنه ولایتی استیناف محکمه سی  
جزا دائره سندن ویریلان ۱۲۳ نومرولی اعلام  
لوماس قریه سندن احمدک کیفیت قتلندن  
دولایی جنایتله اتهام اولنان ارسلان بن عزیزک اون  
بش سنه مدته کورکه قونلشنه دائر برات سنجانی  
بدایت محکمه سی جزا دائره سندن ویریلان ۲۷۳  
نومرولی اعلام

سعدلی درویش افندی جرح ایدرک تعطیل  
عضوینه سبیت ویردیکی ادعا اولنمسنک دولایی  
جنایتله اتهام اولنان علی بن محمدک بش سنه مدته  
کورکه قونلشنه دائر سعد سنجانی بدایت محکمه سی  
جزا دائره سندن ویریلان ۲۱۰ نومرولی اعلام

قتل قصدی اولمقسنین ایضاع ایدلیکی ضربدن  
بکجه آندونک متأثراً وفاتنه سبیت ویرمسنک دولایی  
جنایتله اتهام اولنان زاخاریا ولد آندونک بش سنه  
مدته کورکه قونلشنه دائر سیروز سنجانی بدایت  
محکمه سی جزا دائره سندن ویریلان ۲۶۶ نومرولی  
اعلام

لوشه لی نورالدین بن راپوش کوفانی قتل قصدیه  
جرح ایدلیکی ادعا اولنمسنک دولایی جنایتله اتهام  
اولنان بانو بن راپوش قیچانک اوچ سنه مدته کورکه  
قونلشنه دائر برات سنجانی بدایت محکمه سی جزا  
دائره سندن ویریلان ۲۰۱ نومرولی اعلام

قرمجه قضاسی اهالی سندن یوان ولد ايسالتی  
نیقوله نک ضرباً وفاتنه سبیت ویرمسنک دولایی  
جنایتله اتهام اولنان یانیله داودک بش سنه مدته  
کورکه قونلشنه دائر آیدین سنجانی بدایت محکمه سی  
جزا دائره سندن ویریلان ۷۱ نومرولی اعلام

نوره قوب قضاسنک اوسیقوه قریه سندن خرستو  
قرانفیلک ماده قتلندن دولایی جنایتله اتهام اولنان  
سعید بن احمدک اون بش سنه مدته کورکه قونلشنه  
دائر سیروز سنجانی بدایت محکمه سی جزا دائره سندن  
ویریلان ۴۵۵ نومرولی اعلام

تیزه زاده سی جلال الدین بن احمد العالمی جرح  
و قتل ایدلیکی ادعا اولنمسنک دولایی جنایتله اتهام



اولان محمودك اون بش سنه مدته كوركه قوتلنسنه دائر قدس شريف سنجاني بديت محكمه سی جزا دائره سندن وريلان ۳۳۱ تومرو لی اعلام محكمه تمیز جزا دائره سنجه تصدیق اولنشد.

### در سعادت جنایت محكمه سندن تنظیم واعطا قتلان اعلامدر :

بيك اوچوز اون طقوز سنه سی اغتوسنك يكرمی برنجی كيجه سی غلطه ارقادی زقاغنده آرنودكوبی اولغایي جرح ايتديكي ادعاسيله مظنون عليه اولان غلطه تفه جيلك ايله مشغول يكرمی بش ياشنده ايراني محمدك جنايته اتهامنه وجنحه ايله مظنون عليه اولان احسان ايله برلكده اجراي محاكمه سنه دائر هيئت اتهامه دن تنظيم قتلان مضبطه واستيناف مدعی عموميلكنك ۳۰ كانون اول سنه ۳۱۹ تاريخ و ۸۶۹ نومرو لی اتهامنامه سی اوراق متفرعه سيله معاً محكمه جنايه اعطا ايدلمكك بالمطالعہ تفصیلاتی اولبابده طوتيلان ضبطنامه دن مستبان اوله جني اوزره اصول محاکات جزایيه قانونك باب نائيسنك فصل رايئنده محرر اولان معاملات ابتدایيه بعدالایضا متهم محمد ومظنون عليه احسانك اجراي محاکمہ لری ایچون اوچوز اون طقوز سنه سی كانون نائيسنك اون بشنجی كونی تعیین قلنقره یوم مذکورده متهم مرقوم علی الاصول توقیفخانه دن كنوردیلرک وکیل سینی بك ومظنون عليه احسان واستيناف مدعی عمومی معاوئرندن عزتلو ادمه بك ومدعیه شخصیه اولغا حاضر بولندقلری حالد محاکمه سالوننه چقبه لرق محاکمه علنیه مباشرت وديكر مدعی شخصی آغوبك ذاته جلب مذكره سی تبليغ اولنديني حالد ورود ايتديكي اكلاشلغمه مطالعه سی سوريلان معاوئر مومی اليك طبي وجهله عدم ورودی حقوق عموميه دعوا سنك تأخير رؤيتی موجب اوله ميه جفتدن غیابنده محاکمه نك اجراسی متفقاً قرار كبر اولقدن ومتهم ايله وکیلنه اخطارات قانونیه ایضا قلندقدن صكره هيئت اتهاميه مضبطه سيله اتهامنامه ضبط كاتبی وهی بك جانبندن قرائت اولندی .

مذکور مضبطه ده مظنون عليه ايراني محمدك اولغایي قما ايله متعدد مجلدن قتل قصديه جرح ايلسندن طولانی اتهامنه اوراق تحقیقه ده محرر اخبار رات ومعاينه رابوری مندرجات کافی كورلمش وحرکت واقعه سی قانون جزانك یوزسكسانجی ماده سی حكمنی مستلزم افعال جنسایه دن بولنش و مرقوم محمدك احسان ايله برلكده آغوی ضرب و جرح ومخه آره سنده طبایحه انداخت ایلرندن طولانی دخی

عليه لینه اقامه ايدیلان دعوايه متعلق اوراقك اجتماع جرام وقوعه منی اشبو اوراقله برلشدیرلمش اولغله برلكده محاکمہ لری اجرا قلنق اوزره جنايته اتهامنه قرار ویرلديكي محرر واتهامنامه ده دخی مرقومك جنایت مذکورده نك فاعلی بولغله اتهام ايدلديكي مسطر در .

اتهامنامه نك خلاصه مالی جانب ریاستدن متهم مرقومه تفهيم وتوضیح ومعاوئر مومی اليه جانبندن دخی دعوا نك تشریح اولنسنی معقب متهم محمد ومظنون عليه احسان سويلتدیرلده متهم مرقوم یوم وقعه ده قاضی كوينده شریکی بولنان قهوجی ايله حساب كورمك اوزره قاضی كوينه كيدوب اوصرده اوقومش اولديني غزته ده اولغانك جرحندن طولانی آرائلده بولنديني كورمه سيله كندیلكنندن غلطه سرائنه كيتديكي وجرح ماده سندن معلوماتی اولیوب یوم مذکورده دخی اوراده بولنديني بيلنسلر اولديني ومدعیه مزبورده نك ايتديكي بش مجیدی ني ویرما مسندن ناشی خصومتی اولديغندن بو یوله بر اقرا تصنیع ايتديكي و آغوبك جرحندن دخی معلوماتی اولیوب اثقی برچوق رومارك سلاح آهرق گلگده اولدقلری بر صروده مأمورین ضابطه كندوسنی ظن ایدرك دردست ايتديكرنی وبشقه برشیدن معلوماتی اولديني بیان وغلطه ده قره اوغلان زقاغنده صولطه نك خانه سی فونصدیك اوطه ده ساكن مرانغوز يكرمی بر ياشنده قاسم ياشالی احسان بن محمد دخی یوم وقعه ده محمدله برابر ظرفا زقاغندن كيمكده لر ايكن كورسه طانيه ميه جني اوج درت شافه لی كيمسه لرك يذرلنده طبایحه وپچاق اولديني حالد بكدیكریه منازعه ايتكمده اولدقلری كوروب يانلرندن كهرك اوطه لینه كيتديكرنی وفرداسی مأمورین طرفندن دردست ایدلش ايسه ده جرح وسلاح انداختی ماده لرندن اصلا معلوماتی اولديني درميان ايدیلر .

كيفيت مدعیه شخصیه اولغاندن صورلدقه ليله وقعه ده ساعت اوج قرارلنده زوئيه نك قوسى اوكنده طورمقدمه وقادين وارلك كلیور دیوسولنمكده ايكن متهم تفه جی محمدك ورود ایتسیله وكنديوسی ایجری به كیرمسیله آرقه سندن خانه بالذخول صاجندن طوته رق تدبانه یاتوروب وقاسنی چقارده رق بوغازنی كسمك اوزره اولديني حالد مدافعه سی جهتیه آغزندن قولاغنه قدر كه بیلديكي وآیاغه قالدقلرنده قمانی تكرار صاوروده رق صول النك اورته بارمغتك بوغومنی وديكر بارمغتك یاریستی كسدیكنی وبراقوب قارشو طرفده کی میخانه نك برقوسندن كوروب ديكر ندن فرار ايتديكي استخبار ايدلديكي ومتعجبجه مرقومك دوستی یاشنده سرمایه ايكن چيغمغله بوندن

متحصل خصومت سائقه سيله جرح ايتديكي ویش مجيديه ماده سی كذب ايدوكنی سويلكك وديكر مدعی شخصی آغوبك ليلا ساعت درت قرارلنده ظرفا زقاغندن انشای مرورنده يوكسك قهوه نك اوكنده ايكي كشی به تصادف ایدرك صنداليه ايله باشنه ضرب ايتديكرنی وخوفندن آچيق بولنان عموخا نلردن يرته كیرمسیله مرقومان دخی تعقيب ایدرك دوكلدكرنی ومرقومانى كورسه طانيه ميه جني تحقیقات ابتدایيه اناسنده بیان ايتديكي اكلاشلغمه اشبو افادانه نه ديه جكری صورلدقه متهم ومظنون قبول ايتيه جكرنی سرد ايتديلر .

بناء علی هذا ضابطه عدليه تقریرلری ايله طبيب راپورلری قرائت ايتديلدی .  
۴ حزيران سنه ۳۱۹ تاريخی اولان تقریرمأئله ليله وقعه ده ساعت درت قرارلنده غلطه ده ظرفا زقاغنده برال طبایحه انداخت ايدلديكي دوریه مأموری حسن افندی طرفندن استخبار ايدیلرک محل وقعه به كيدلده كده دسپنانك خانه سندن احسان نام شخصك چيقره ق سرعته فراده تصدی ايتديكي معقب ديكر بر شخص دخی مذکور خانه دن چقبوب مرقومی تعقيب ايتكمده بولنديني وعموم خانه دروننده کی غاز لامبسی بارلايه رق ياتقمده اولديني كورلديكنسندن مرقومان تعقيب ايدلكری صروده ارقه ده بولنان شخص بر ال طبایحه دها انداخت ایدرك اوطه سنه كیرمسیله ايراني محمد واحسانك دردست ايله موقه كتورلمش ومذکور عموخانه ده صاقلانمش اولان آغوب دخی مرکز كهرك مرقومانك صنداليه ايله كندوسنی ضرب ايتديكرنی وفسیله كهربار تسديجی ضایع اولديني وباشك شيشديكي افاده ایتش ايدوكنه بناء عند التحقیق برچوق كسانك وقعه ميه مشاهده ايدلكرينك اكلاشديني ازار ۲۱ اغتوس سنه ۳۱۹ تاريخی بولنان تقریرده دخی ارنبودكوبی اولغا مرکز مراجعتله صاغر زوئيه نك عموخانه سی قيو سنده سرمایه النی ايله قونوشمقدمه ايكن تفه جی محمد كهرك قما ايله صول الی اورته بارمنی برنجی مفصلندن قطع وبوزينك صول جهتك دوداغندن قولاغنه قدر جرح ایدرك فرار ايتديكي خبر ويرمكه مرقوم هرته قدر تحری اولنش ايسه ده اوطه سنده بولمعدنی اشعار قلنش وطیب راپورنده ده اولغانك برآلت قاطمه ايله حصوله گلش يوزينك صول جهتی اوزرنده بش ساتيمترو طولنده عقی عضليه قدر برعدد جرحه وصول النك سبابه بارمنی اوچنجی سلامیسی وجه قدای اوزرنده ايكي ساتيمترو طولنده عقی عظمه قريب ديكر برعدد جرحه كورلديكي ومذکور النك وسطی بارمغتك اوچده برينك قطع اولنش اولديني

وحالات مذکورده نك قرق كونده درت يوز غروش اجرته التيام بولديني و آغوبك دخی باشنك صول طرفی اوزرنده ضربدن حصوله گلش بره وشیش مشاهده اولوب النی كونده النش غروش اجرته التيام ايتديكي مندرج بولنشد .

قرائت اولنان اوراق مأئله نه ديه جكری متهم ومظنون عليهم استفسار ايدلده قبول ايتيه جكری جوابی آلدی .

مدعی عموميلك جانبندن وريلان شهود بوصله سنده اسامیسی محرر اولوب دعوت واقعه ايتبعاً ورود ايتديكری خبر وريلان شهود بربرر حضور محكمه به چقارلره رق عندالسؤال طرفينه قرابت ومناسبت وخصومتلری اولديني وطرفنی طسانور اولدقلری سويللرله اصولاً تحليللری بعد الاجرا منفرداً ومواجهه استماع اولندقلرنده بونلرند غلطه ده حام زقاغنده عموخانه جی اوتوز بش ياشنده صاغر زوئيه بنت ديمتری وقعه كيجه سی اولغا قهوه دن قيو سنك اوكنه كلسنی معقب بركورلنی اولديني سويللرله قالقوب ياقديغنده اولغانك يوزنی طومتمده ونی تفه جی ايراني محمد اوردی دیو باغر مقدمه اولديني ومرقوم محمدك دخی قاجمده بولنديني كوردیكنی افاده استنط قيه سنه موافق صورنده ياد وشهادتلك حاضر بولنان متهم محمد حقنده اولديني ايراد ايدلی .

بوشاهدنك ذات وشهادته نه ديه جکی متهم مرقو مدن صورلدقه مطالباتی تحصيل ايتك اوزره اورايه كيتديكي وماده جرحی قبول ايتيه جكنی سويلدی .

ديكر شاهد محل مذکورده قهوه جی وقره كويده كلنجی اوتوزیدی ياشنده مصطفى بن عثمان وقعه كيجه سی ساعت ايكي اوج راده لرنده محمد تصادف ایدرك زره يه كيتديكي صورديني وراز صكره مرقومك اولغایي جرح ايدلديكي ايشديكي وجرحی مشاهده ايتديكي افاده مضبوطه سی دائره سنده بیان وشهادتلك حاضر بولنان متهم حقنده ايدوكنی اتيان ايدلی .

بوشاهدك ذات وشهادته دخی نه ديه جکی سؤال ايدلده متهم مرقوم برسنه مقدم لساناً منازعه ايتد كلرندن كندوسنه غرضی اولديني ولاجل المحاكمه بر محكمه به مراجعت ايدلديكي واووقندن بروكورشمز اولدقلری وشاهد مرقوم دخی دل منازعه سی ایتش ايسلرده خصوصتی بولنديني ومتهم كورشمز اولدقلری اثبات ايدمه جكنی سويلديلر .

( مابعدی كله جك نسخه به )

عزت افانك شريفه خانه اطاله لسان ايدلديكي ثابت اوله مديغندن برائنه

ديتمزينك حيدری ضرب ايتديكي ثابت اوله مديغندن برائنه  
ميچونك يورکني جرح ايتديكي اكلاشيله مد يغندن برائنه

خالده حسنی ضرب ايدلديكي تحقق ايدمه مديگندن برائنه  
طنشاشك عبد القادر افندی ني جرحه جرأی ثابت اوله مديغندن برائنه

ژاندارمه عبدالرحمن افانك ايفای وظیفه حالد بوليس جمال افندی ني ضرب ايدلديكي ثابت اوله مديغندن برائنه  
عليك سيدی جرح ايتديكي ثابت اوله مديغندن برائنه

مناسح ايله ياقونك ضرب فعلنه و ايراث خساره مجاسر تلری ثابت اوله مديغندن برائترينه  
آرامك ايساقی ضرب ايتديكي اكلاشيله مديغندن برائنه

اندریقونك واسیلی ضرب ايدلديكي ثابت اولديغندن برلیرا آلتهرق مضروبوه اعطاسنه  
ياقونك آرامه اطاله لسان ايدلديكي ثابت اوله يغندن مرقومدن برلیرا جزای نقدی اخذينه

علی بنی جرح ايتديكي ثابت اولان قره باش محله ی خالده برآی حبسنه  
ميخالی ضرب ايدن قايونجی قوللغنده كورجی اسماعيلدن بریچق لیرا آلتهرق مضروبوه اعطاسنه

يكدیكرنه اطاله لسان ايدن قاسم باشاده ساكن راشد ومحمد افنديلر دن يارمشر لیرا جزای نقدی اخذينه  
حسنی افندينك جاملری قيرديني تبسين ايدن كوركي قپوسنده قهوه جی چراغی حسندن اون بشلك جزای نقدی آلمسنه

ژاندارمه دن مطرود موشی شكرينك اوستربالی غوريلايه تشهر سلاح وحسنی افندی ني ضرب و جرح ايدلديكي اصولاً ثابت اولديغندن آتی آی حبسنه  
خلاف تنيه قار اوينادقلری ثابت اولان ترزی پترو ايله جوزم دن بشر بشلك جزای نقدی اخذينه  
تراموای آراهه جیسی طودوروی ني ضرب ايدن آراهه جی مصطفا نك برهفته حبسنه  
حفيظه خانمك سندی چاك ايتديكي ثابت اولان آراهه جی محمدك برسنه مدله حبسنه  
ممرناس اولان محاده آراهه قوشيدردیني ثابت اولان باقالتی آراهه جيلرندن حسيدن اون بش بشلك جزای نقدی آلمسنه

خاصكوبی خاقك خانه سنه جبراً كپردیكي ثابت اولان حسنك برهفته حبسنه

بوليدروس ايله آندريانك يكدیكرنی ضرب ايدله كلری ثابت اولديغندن اندريانك برآی وپوليدروسك اوج كون حبسلرینه

قره بت واسكندر افنديلری ضرب ايدلكری ثابت اولان تقسيمده ساكن اسپرو ايله يوركيدن بر لیرا آلتهرق مضروبوه اعطاسنه  
بك اوغلی پوليس قوميسر لرندن توفيق افندی به اجراي مأموریت حالدده حقارت ايدن فيروز اغالی خيريدن ايكي لیرا جزای نقدی آلمسنه

علی فیهی واحمد افنديلره اطاله لسان وبلا موجب كورلنی وشانه ايدلديكي ثابت اولان قاسم ياشالی قاطمه خانمك يكرمی كون حبسنه

حسن بن فرهادی ضرب و جرح ايتديكي تبين ايدن كچه جيلرده قهوه جی ابراهيمك اون كون حبسنه در سعادت ، بك اوغلی واسكدار بديت محكمه لری جزا دائره لر نجه قرار ویرلشد .

## اخبارات

### از مردم استيناف مدعی عمر ميلكنده :

بابورد قضا سنك كوكلی قريه سی اهاليسندن عمر افانك كرمی وبيوك ايوبك زوجة منكوحه سی اولديني حالد يکني طور بابايه عقدلو اولديني حقدده ياره و ذخيره ايله شاهد زور تدارك ایدرك خلاف واقع شهادت سوق ايتسندن وبوباده ده خلاف واقع بلان شهادت ایللرندن طولانی مظنون بولنلرندن مرقوم عمر ايله اشيتوص قريه لی درویش افانك حفيده موطی وكوكلی قودياش اوغلی قره محمد وياره قوس قريه لی صالح اوغلی علی نام اشخاصك افسال مذکوریه مجاسر ته فرار ايدلكری اوراق تحقیقه مأئدن اكلاشلمش وحرکات واقعه لری قانون جزانك ۲۰۸ و ۲۱۰ نجی ماده لری احكامی مستلزم افعال جنایه دن اوله رق اضرر وم استيناف محكمه سی جزا دائره سنده محاکمہ لری اجرا ايدلمك اوزره جنايته اتهاملرینه قرار ویرلمش اولديغندن مرقومونك هر زره كوربولور ايسه در دستر ليه محكمه مذکورده توقیفخانه سنه تسليم ايدلمری لازم كله چکی باطله ضابطه عدليه مأمورلرينك معلومی اولق اوزره اشبو اخذ وكرفت مذكره سی اضرر وم هيئت اتهاميه سندن تنظيم قلدی .

پلومر قضا سنك شرق قريه سی اهاليسندن حسين اغا زاده موسی افانك خانه سندن ليلا جبر وشدت اجراسيله نقود واشيا سرقندن طولانی مظنون



بولنلاردن قریه منوره لی رک اوغلی حسین وموالی اوغلی حسن وبالا یانی سلیمان بن محمد ویتان اوغلی حسن وعلی اوغلی مختار حسین وسیلی زیر اوغلی حسن نام اشخاصک فعل مذکوره مجاسرتله فرار ایتدکری اولابده کی اوراق تحقیقه مألرندن اکلا- شلمش وحرکتاری قانون جزانک ایکی یوز اون یدنجی ماده سی حکمنی مستلزم مواد جنائیه دن اوله رق ارزنجان بدایت محکمه سی جزا دائره سنده محاکمه لری اجرا قلنمق اوزره جنایتله اتهاملرینه قرار ویرلمش اولدیغندن مرقومونک هر زرده کوریلورلر ایسه دردستلریله محکمه مذکوره توقیفخانه سنه تسلیم ایدلملری لازم کله چکی بالجله ضابطه عدلیه مأمور- لرینک معلومی اولوق اوزره اشبو اخذ وکرفت مذکره سی ارضروم هیئت اتهامیه سندن تنظیم قلندی.

پادشین قریه سندن مقدار بن کریمی جرح وقل ایلدیکندن طولای مظنون علیه بولنان مقتول مرقوم- مک یکنی جلال نام شخصک فعل مذکوره مجاسرتله فرار ایلدیکی اولابده کی اوراق تحقیقه مألندن اکلا- شلمش وحرکت واقعه سی قانون جزانک ۱۷۴ نجی ماده سی حکمنی مستلزم افعال جنائیه دن اوله رق ارضروم استیناف محکمه سی جزا دائره سنده محاکمه سی اجرا ایدلمک اوزره جنایتله اتهامه قرار ویرلمش اولدیغندن مرقومک هر زرده کوریلورلر ایسه دردستله محکمه مذکوره توقیفخانه سنه تسلیم ایدلمی لازم کله چکی بالجله ضابطه عدلیه مأمورلرینک معلومی اولوق اوزره اشبو اخذ وکرفت مذکره سی ارضروم هیئت اتهامیه سندن تنظیم قلندی.

#### اعلامات نظامیه اجرا دائره سنده :

حاجبیلر کتبخدا ومتولیس احمد افندینک عساکر بحریه شاهانه ملازملرندن خورشید افندی ذمتده آله جنی اولان مبالغک تأمین استیفاسی ضمتنده فراغ بالوفاصورتیه مرهون وفروختی محکوم بولنان خطب قبوسی جوارنده خواجه حمزه محله سنده شکرچی زقاغنده تخمیناً التمش بش آرشون عرصه اوزرینه مبنی و شهری طقسان غروش ایجار کتورر اونبر نومرولی برباب قهوه خانه دروننده مستقر بربر کدکی تمامنک تاریخ اعلانن اعتباراً اون بش کون صکره بالزایده فروخته تشبث اولنه جنی درساعات اعلامات نظامیه اجرا دائره سندن اعلان اولنور .

#### اسکدار بدایت محکمه سی اجرا دائره سنده :

ارانیک قادینک بدروس ذمتده آله جنی بولنان

مبالغک تأمین استیفاسی ضمتنده قبل المحاکمه حجز آلتیه النان قاضی قریه سنده عثمان اغا محله سنده واقع برطرفی اقسابت اغانک خانه سی دیگر طرفی مصرلی اوغلی جاده سی و دیگر طرفی فائقه خانمک خانه سی آرقه طرفی قبرستان و طرف رابی طریق عام ایله محدود تخمیناً یوز آرشون عرصه اوزرینه انشا ایدلمش برقات اخشاب خانه ده ایکی اوطه بر مطبخ وبر قیو وبر داراچه بی حاوی (۱۸) نومرولی خانه سی عندالمزایده لیرا یوز غروش حسابیه الی بیک ایکویوز الی غروشه طالبی عهده سنده تقریرایدرک تاریخ اعلانن اعتباراً برماه ختامنده قرار قطعیه ویریه چکی جهتله یوزده بش ضمیمه زیاده یه طالب اولنلرک مدت مذکوره ظرفنده اسکدار بدایت محکمه سی اجرا دائره سنه مراجعت ایللری اعلان اولنور .

#### بلک اوغلی بدایت محکمه سی اجرا دائره سنده :

صرافاندن حاجی آرتین سروپیان افندینک علی کامران بلک ذمتده بلک اوغلی بدایت محکمه سی برنجی حقوق دائره سی اعلامیه محکوم به آله جنی اولان الی یوزالتمش طقوزلیرا قرق غروشک مع فائض ومصارف محاکمه تأمین تسویه سی ضمتنده مدیون مومی الیهک عهده تصرفنده اولوب داین نامنه مفروغ وفروختی محکوم بولنان ارنبود کوبنده آیانوفری جاده سنده اطلی دیمتری زقاغنده عرضاً اون یدی وطولاً اون اوج آرشون که تخمیناً ایکویوز یکریمی آرشون عرصه اوزرینه مبنی ایکی قانده سکر اوطه وایکی قوریدور وفوقنده بر تراچه ویر آلتنده درت اوطه وبر قوریدور وایکی کیلاری حاوی وایکی وقفله مخلوط سکر نومرولی برباب کارگیرخانه ومشمولاتندن اولان صو خزینه سی ومطبخ ولیمونلنی ومغروس چام اغاجلرینی حاوی تخمیناً ایکی بیک ایکویوز سکسان ذراعندن عبارت باغچه سنک لدی المزایده الی بشیدک غروش التون اچیه بدل ایله طالبی عهده سنده تقریر ایدرک موقت قرار داده سی چکلمش اولدیغندن تاریخ اعلانن اعتباراً اوتوز برکون ظرفنده یوزده بش ضمیمه طالب اولنلرک ودها زیاده معلومات آلق ایستیانلرک یوزده اون نسبتنده کی دیپوزیتو اچهلرینی مستصحباً بلک اوغلی بدایت محکمه سی اجرا دائره سنه مراجعت ایللری ومدت مذکوره ختامنده یعنی شهر نیشان رومینک اون بشنجی پنجشنبه کونی ساعت طقوز راده لرنده قرار داده قطعیه کشیده قلنمق اوزره ارنبودکوبی واپوراسکله سی ومذکور خانه پیشکاهنده مأموری مواجهه سنده حاضر بولنلری اعلان اولنور.

قرتال قضاسی بدایت محکمه سی اجرا دائره سنده : قرتال قصبه سی ساکنه لرندن متوفی بغدیک زوجیه سی دیروهیجه قادینک قصبه مذکور ساکنلرندن اولوب بوندن اقدم وفات ایدن آغوبجان اغا ذمتنده کسب قطعیت ایتمش برقطعه اعلام موجبنجه مطلوبی اولان مبالغ محکوم بهانک تأمین تسویه سی ضمتنده اقدیمجه حجز آلتیه النان مدیون متوفای مرقومک قصبه مذکوره جوارنده میشه لی آیارمه نام موقعده کائن طرفلری ایسانی باغی و آرتین وخاجی بدروس وکر قور بوستانلری وطریق عام ایله محدود متصرف اولدینی صرف ملک برقطعه بوستانده کی اوج حصه اعتباریه ایکی سهم حصه شایعه سی بوندن اقدم بالمزایده لیرای عثمانی یوزغروش حسابیه بشیدک غروشه طالبی عهده سنده تقریر ایدرک موقت قرار داده سی کشیده قلنمش وتاریخ اعلانن بالا اعتبار اوتوز برکون ختامنده حاله قطعیه سنک اجراسی مقرر بولنمش اولدیغندن مدت مذکوره ظرفنده یوزده بش ضمیمه طالب اولوب پی سورمک ویا بوندن زیاده معلومات آلق ایستیانلرک یوزده اون نسبتنده پی اچهلرینی مستصحباً قرتال قضاسی بدایت محکمه سی اجرا دائره سنه مراجعت ایللری اعلان اولنور .

#### کوریمجه بدایت محکمه سی اجرا دائره سنده :

کوریمجه دعوی وکیللرندن واسیل افندینک کوریمجه لی چارخی قولی غلیغور ذمتنده اولان آله جفتک تأمین استیفاسی ضمتنده مرقومک متصرف اولوب محجوز بولنان کوریمجه قصبه سی سنورنده واقع بولتقه محلنده معلوم الحدود برقطعه ترلاسنک تاریخ اعلانن اعتباراً اون بش کون صکره بالمزایده فروخته تشبث اولنه جنی اعلان اولنور .

بهلشته قصبه لی صالحه خانمک مصارف محاکمه اوله رق کوریمجه دفتر خاقانی اداره سنه بااعلام مدیون بولندینی مبالغک تأمین استیفاسی ضمتنده مزبورنه نک متصرف اولدینی بهلشته سنورنده خانلراوستی وسلمشته محلنده محجوز بولنان ایکی قطعه ترلاسنک ایکویوز یکریمی غروش بدل ایله طالبی عهده سنده تقریر ایتمکله موقت قرار داده سی کشیده اولنمش و یوزده بش ضم ایدلمک اوزره ودها اوتوز برکون مدته مزایده یه دوام ایدیه- چکی مقرر بولنمش اولغله اشتراسه طالب اولانلرک کوریمجه بدایت محکمه سی اجرا دائره سیله منادیسنه مراجعت ایللری اعلان اولنور .